

動靜升降章第九

動極生靜靜極生動一動一靜互為其用而已矣如天地之妙其動也闢其靜也翕不闢則不翕不翕則不闢闢者翕生生無窮若靜定之功既極元陽之炁自生炁之生也乾坤震動山嶽動搖龍象爭馳風火相激巖崩灌頂光射簾帟已而淫淫若春澤液液象解水自頭流達足究竟復上升往來三宮自升自降無暫休息一升一降為一周天蓋氣上升為冬至子時一陽生於五陰之下其卦為復進退至坤六陰既極復變而昇二至二分晦朔弦望五行四象二十八宿三百六十五度攢簇歸一刻之中一刻故有一年之炁象一年三萬六千刻刻刻要調和除却卯酉外可以奪天上三萬年氣數此皆與天地造化默相符合非執文泥象之法也

鍊炁成神章第十

當此之時氣脈調和精神爽快曠然如浴之方起睡之正醒夫婦合歡子母留戀自神抱其氣氣抱其神日積月累互相交合打成一

片陰盡陽純遂成真人迨夫脫胎神化身外有身聚則成形散則成炁去來無礙靈顯自如造化莫能拘陰陽莫能制鬼神莫能測寒暑不能侵道遠乎無何有之鄉與虛無同其體矣

太上修真玄章

正一天師清微弟子 洪百堅 製作

道教學術資訊網站

化書卷之一

真人 譚景昇 撰

道化

紫極宮碑

道之委也虛化神神化氣氣化形形生而萬物所以塞也道之用也形化氣氣化神神化虛虛明而萬物所以通也是以古聖人窮通塞之端得造化之源忘形以養氣忘氣以養神忘神以養虛虛實相通是謂大同故藏之為元精用之為萬靈合之為太一故之為太清是以坎離消長於一身風雲發世於七竅真氣熏蒸而時無寒暑純陽流注而民無死生是謂神化之道者也

蛇雀

蛇化為龜雀化為蛤彼忽然忘曲屈之狀而得蹠蹠_{蘇切}之質此條然矣飛鳴之態而得介甲之體斷不能加其功繩尺不能定其象何化之速也且夫當空團塊見塊而不見空粉塊求空見空而不見塊形無妨而人自妨之物無滯而人自滯之悲哉

老楓

老楓化為羽人朽麥化為蝴蝶自無情而之有情也賢女化為貞石山蚯化為百合自有情而之無情也是故土木金石皆有性情精氣虛無所不至神無所不通氣無所不同形無所不類孰為彼孰為我孰為有識孰為無識萬物一物也萬神一神也斯道之至矣

耳目

目所不見設明鏡而見之耳所不聞設虛氣而聞之精神在我視聽在彼跣趾可以割陷吻可以補則是耳目可以妄設形容可以偽置既假又假既惑又惑所以知鬼鬼魅我血氣醉我七竅因我五根役我惟神之有形由形之有疴苟無其疴何所不可

環舞

作環舞者官室皆轉職迴流者頭目自旋非官室之幻惑也而人自惑之非迴旋之改變也而人自變之是故粉巾為兔藥石為馬而人不疑甘言巧笑圖臉畫眉而人不知唯清靜者物不能欺

鉛丹

術有火鍊鉛丹以代穀食者其必然也然歲豐則能飽歲儉則能飢是非丹之恩蓋由人之誠也則是我本不飢而自飢之丹本不飽而自飽之飢者大妄飽者大幻蓋不齊其道也故人能一有無一死生一情性一內外則可以蛻五行脫三先何患乎一日百食何慮乎百日一食

形影

以一鏡照形以餘鏡照影鏡鏡相照影影相傳不變冠劍之狀不奪黼黻之色是形也與影無殊是影也與形無異乃知形以非實影以非虛無實無虛可與道俱

藝藏

物有善於藝藏者或可以禦大寒或可以去大飢或可以萬歲不死以其心冥冥兮無所知神怡怡兮無所之氣熙熙兮無所為萬慮不能慮求死不可得是以大人體物知身體身知神體神知真是謂吉人之津

泉雞

泉夜明而晝昏雞晝明而夜昏其異同也如是或謂泉為異則謂雞為同或謂雞為異則謂泉為同孰泉雞之異晝夜乎晝夜之異泉雞乎孰晝夜之同泉雞乎泉雞之同晝夜乎夫耳中聲我自聞目中花我自見我之晝夜彼之晝夜則是晝不得謂之明夜不得謂之昏能齊昏明者其惟大人乎

四鏡

小人常有四鏡一名圭一名珠一名砥一名孟圭視者大珠視者小砥視者正孟視者倒觀彼之器察我之形由是無大小無短長無妍醜無美惡所以知形氣論我精鬼賊我好臣貴我禮樂尊我是故心不得為之君王不得為之主戒之如火防之如虎純儉不可襲清靜不可侮然後可以跡容廣而躋三五

射虎

射以虎者見虎而不見石斬暴蛟者見蛟而不見水是知萬物可以虛我身可以無以我之無合彼之虛自然可以隱可以顯可以死可以生而無所拘夫空中之塵若飛雪而目

未嘗見穴中之蟻若牛鬪而耳未嘗聞泥非見聞者乎

龍虎

龍化虎變可以蹈虛空虛空非無也可以貫金石金石非有也有無相通物我相同其生非始其死非終知此道者形不可得鬼神不可得遊

游雲

游雲無質故五色含焉明鏡無瑕故萬物象焉謂水之舍天也必天之舍水也夫百步之外鏡則見人人不見影斯為驗也是知太虛之中無所不有萬物之內無所不見而世人且知心仰空廓而不知跡處虛空家廓無所間神明且不速是以君子常正其心常儆其容則可以游泳於空廓交友於神明而無咎也

熾燻

有言臭腐之狀則輒有所熾聞珍羞之名則兵有所熾臭腐了然虛珍羞必然無而熾不能止燻不能已有權故當若蟪蛄者有愛鮑

魚若鳳膏者知此理者可以齊奢儉外榮辱孰是非忘禍福

太化

虛化神神化氣氣化形形化精精化顧盼而顧盼化揖讓揖讓化陞降陞降化尊卑尊卑化分別分別化寇冕寇冕化車輅車輅化官室官室化掖衛掖衛化燕享燕享化奢蕩奢蕩化聚歛聚歛化欺罔欺罔化刑戮刑戮化恃亂恃亂化甲兵甲兵化爭奪爭奪化敗亡其來也勢不可遏其去也力不可拔是以大人以道德游泳之以仁義濂獵之以刑禮籠軍之蓋保其國家而護其富貴也故道德有所不實仁義有所不至刑禮有所不足是教民為奸詐使民為淫邪化民為悖逆驅民為盜賊上昏昏然不知其弊下恍恍然不知其病其何以救之哉

正一

世人皆知菟菟可以割鼈而不知朱草可以剖人小人由是知神可以分氣可以泮形可以散散而為萬不謂不足聚而為一不謂有

餘若狂風飄髮竟竟夢飛齒斷胡首尾皆動夫何故太虛一虛也太神一神也太氣一氣也太形一形也命之則四根之則一守之不得舍之不失是謂正一

天地

天地盜太虛生人蟲盜天地生蟾蜍丁蓋人蟲生蟾蜍者腹中之蟲也噉我精氣鏢我我毫毫盜我滋味而有其生有以見我之必死所以知天之必頽天其頽乎我將安有我其死乎蟾蜍將安守所謂姦臣盜國國破則家亡蟲蝕木木盡則蟲死是以大人錄精氣藏竟竟薄滋味禁嗜慾外富貴雖天地老而我不得蟾蜍死而我長生姦臣去而國太平

稚子

稚子弄影不知為影所弄狂夫像像不知為像所侮化家者不知為家所化化國者不知為國所化化天下者不知為天下所化三皇有道者也不知其道化為五帝之德五帝有德者也不知其德化為三王之仁義三王有

仁義者也不知其仁義化為秦漢之戰爭辭者負醉濟者療亦其勢彌顯其病彌篤而無反者也

陽燧

陽燧召火方諸召水感激之道斯不遠矣高視者強低視者賊斜視者狡平視者仁張視者怒細視者佞遠視者智近視者拙外視者昏內視者明是故載我者身用我者神用神合真可以長存

死生

虛化神神化氣氣化血血化形形化嬰嬰化童童化少少化壯壯化老老化死死復化為虛虛復化為神神復化為氣氣復化為物物化不間由環之無窮夫萬物非欲生不得不生萬物非欲死不得死達此理者虛而乳之神可以不化形可以不生

小髮

小髮者我之形何爪可割而無害髮可截而無痛蓋榮衛所不至也則是我本無害而筋骨為之害我本無痛而血肉為之痛所以知

喜怒哀非我作哀樂非我動我為形所昧形為我所愛達此理者可以出生死之外

神道

太上者虛無之神也天地者陰陽之神也人蟲者血肉之神也其同者神其異者形是故形不靈而氣靈語不靈而聲靈覺不靈而夢靈生不靈而死靈水至清而結冰不清神至明而結形不明冰泮返清形散返明能知真死者可以游太上之京

神交

牝牡之道龜龜相顧神交也鶴鶴相吸氣交也蓋由情愛相接所以神氣可交也是故大人其道以合天地順其心以符至真融其氣以生萬物和其神以接兆民我心熙熙民心怡怡心怡怡兮不知其所思形惚惚兮不知其所為若一氣之和合若一神之混同若一聲之哀樂若一形之窮通安用旌旗安用金鼓安用賞罰安用行伍斯可以將天下之兵滅天下之敵是謂神交之道也

大舍

虛化神神化氣氣化形形氣相乘而成聲耳非聽聲也而聲自投之谷非應響也而響自滿之耳小竅也谷大竅也山澤小谷也天地大谷也一竅鳴萬竅皆鳴一谷聞萬谷皆聞聲導氣氣導神神導虛虛合神神合氣氣合聲相導相舍雖秋蚊之翺翺許蒼蠅之營營無所不至也由此知之雖絲毫之慮必有所察雖啾啾之言必有所聞唯大人之機天地莫能見陰陽莫能知鬼神莫能窺夫何故道德仁義之所為

化書卷之一